

客語朗讀(四縣腔) 國中學生組 編號 1 號

《晴耕雨讀》

人愛讀書正會有長進。書本教恩兜樣般做人，教恩俚各種知識。頭擺人讀乸書，做得去參加科考，對秀才考到舉人，最後考著進士，無論佢係麼个出身，都有機會做官。

事實上讀書係為著充實自己，愛有學識个人正有能力處理困難个事務，為大家來服務，一生也正有價值。

客家人自古以來就重視教育，從細爺哀就愛恩俚認真讀書，就係賣田賣地也愛送細人仔去學校。恩俚對奈仔正知得客家人恁好讀書呢？請看客家人歇个伙房，正堂廳下門个兩片，各有窗仔，窗仔項有橫聯。盡多人个聯語，左片係：晴耕；右片係：雨讀。意思係教育子孫，天晴時節愛煞猛耕田，謀求生活；落雨天無法度去田坵做事，盡睹好在屋下讀書，恁仔就毋會荒廢時間。對這點看來，做得講係盡正確个態度。恩俚毋好添放忒。